



Сыр бойы

10 желтоқсан, сейсенбі 2024 жыл

№190 (20864)

Қызылорда облыстық қоғамдық-саяси газет. 1929 жылдың 1 шілдесінен шығады



- www.facebook.com/syrboiy.kz
- www.instagram.com/syrboiy_kz
- t.me/syrboiy_kz
- twitter.com/syrboiy

ИНВЕСТИЦИЯ ИГІЛІГІ

«ДӘЛ ОСЫ ЖЕРДЕ ЖӘНЕ ДӘЛ ҚАЗІР» ҚАҒИДАСЫ ӨМІРШЕН



Экономика инвестициясыз алға баспайды. Инвестор қолындағы капиталын ең алдымен пайда табу үшін белгілі бір жобаға құятыны белгілі. Қыруар қаржыны қалтасынан шығармас бұрын жеті өлшеп, бір кесетіні де анық. Инвестиция қандай елге келеді? Күшті экономикасы, халықаралық қоғамдастықта лайықты орны бар, уәдесіне берік, шетел инвесторларына тиісті жағдай жасайтын, қаржының қайтарымына кепілдік бере алатын, ең бастысы тұрақты, заң үстемдігі орнаған мемлекетке келеді. Тәуелсіздік жылдарында әлем, әсіресе Еуроодақ елдері, АҚШ Қазақстан экономикасына миллиардтаған доллар инвестиция салды.

КАТАР ҚЫЗЫЛОРДАҒА БУ-ГАЗ СТАНЦИЯСЫН САЛАДЫ

Әлемдегі геосаяси жағдай инвестициялық ахуалды жақсарту жолында үздіксіз жұмыс істеуді талап етеді. Бұл туралы Мемлекет басшысы Қасым-Жомарт Тоқаев халыққа арнаған Жолдауында «Дүние жүзінде инвестицияға талас өрішіп тұрған кезде елге қаржы тарту үшін «дәл осы жерде және дәл қазір» қағидасы бойынша шешім қабылдау – ең қажет шара. Сондықтан Үкімет жаңындағы Инвестиция штабына ауқымды қызырет берілді. Бұл қадам металды терең өңдеу, мұнай-газ-көмір химиясы, туризм, энергетика және машина жасау сияқты маңызды салалардағы жобаларды жүзеге асыру қарқынды арттыруға жол ашты. Экономикаға салынған тікелей инвестиция көлемін азайтпай алмау үшін осы бағыттағы жұмысты күшейту керек. Кейбір өкімдер мен министрлер инвестор тарту ісіне жеңді атсалысып отырғанын атап өткіз келеді. Үкімет бұл шаруаны ретке келтіруге тиіс» деді.

Максатты жолда атқарылған жұмыстардың Қызылорда облысының экономикасына тигізген оң ықпалы қандай? Өткен бір аптаның белірендігі сапарлар мен ондағы қол жеткен келісімдер төңірегінде айтар болсақ, Президент Қасым-Жомарт Кемелұлы Қатарда «Power International Holding» компаниясының иелері Муатаз Әл-Хаят және Рамез Әл-Хаятпен кездесу барысында еліміздің энергетика, телекоммуникация салаларындағы ірі инвестициялық жобаларды іске асыру барысын қарастырды. Компания осы уақытта біздің облыста бу-газ қондырғыларын салу және облысаралық электр желілерін тарту жобалары бойынша келіссөз жүргізілуде.

Жыл басында, дәлірек айтқанда, ақпанның 13-14-і күндері Мемлекет басшысының Қатарға мемлекеттік сапары кезінде «Самұрық-Қазына» АҚ, Қазақстан Республикасының Энергетика министрлігі мен «Power International Holding» арасында энергетика және газ саласындағы жобаларды іске асыру туралы келісімдерге қол қойылды.

Қызылорда облысына қуаттылығы 1100

мегаваттық жаңа бу-газ қондырғыларын салу туралы бастама сол жолы келісімге енгізілді. Қазір «Самұрық Энерго» АҚ Қатар инвесторларымен келіссөз жүргізіп, техникалық-экономикалық негіздеме әзірлеуде. Жаңа бу-газ қондырғылары Қызылорда қаласынан Ұлытау облысына шығарыс аумақта салынады. Оған әкімдік 280 гектар жер бөледі. Осы жоба аясында «Қызылорда-Жезқазған» және «Қызылорда-Шымкент» жоғары қуатты электр желілері жүргізіледі.

Қондырғылар арқылы облыс электр энергиясымен түгел қамтылып, орталық және өндірістік өңірлерге де жіберіледі. Станцияны 2029 жылы толығымен іске қосу жоспарланған.

Салыстырмалы түрде айтсақ, өңірдегі ең ірі жобалардың бірі – құны 42,1 млрд теңге тұратын шыны зауыты болса, бұл 800 млрд теңгеге жуық қаржыны қажет ететін өте ауқымды жоба екенін ерекше атап өтуіміз қажет.

АРНАНЫ КЕНЕЙТКЕН КЕЛІСІМДЕР

Өткен аптадағы Мемлекет басшысы Қасым-Жомарт Тоқаевтың Қатар сапары, облыс әкімі Нұрлыбек Нәлібаевтың Италия, Испания және Түркияға жұмыс сапары кезінде қол жеткен келісімдер, сөз жоқ, Сыр өңіріне инвестиция тарту бағытының арнасын кеңейтті.

Облыста биохимиялық өрітінділер және реагенттермен жұмыс істейтін бірнеше ірі зертхана, атап айтқанда, «Олимп» зертханасының 18, «InVivo» зертханасының 20 филиалы бар. Олар клиникалық диагностикамен белсенді айналысады және жоғары сапалы реагенттерді қажет етеді.

«Sas» экспорттық-кредиттік агенттігінің президенті Филиппо Джансетемен кездесуде ауыл шаруашылығы, тері, жүн өңдеу, жеңіл өнеркәсіп, құрылыс материалдары, мұнайға қажетті тауарлар, денсаулық сақтау, инфрақұрылым, су ресурстары және қолқ-логистика салаларындағы бірқатар тартымды жобалар ұсынылды.

2-бет

СЕССИЯ

ЖЕТІСТІК АЛДАҒЫ МІНДЕТТІ ЕСЕЛЕЙ БЕРЕДІ

Кеше облыстық мәслихаттың кезекті XVIII сессиясы өтті. Оған облыс әкімі Нұрлыбек Нәлібаев, басқарма және департамент басшылары, депутаттар, өзге де жауапты сала жетекшілері қатысты. Күн тәртібінде 12 мәселе қаралды.

Облыс әкімі аймақта биыл жүзеге асқан жұмыстар мен алдағы мақсат-міндеттер жөнінде баяндады. Сөз басында облыстың барша тұрғындарын тәуелсіздік күнімен құттықтап өтті.

– Президентіміз Қасым-Жомарт Кемелұлы Тоқаев Сыр өңіріне ерекше қолдау көрсетіп келеді. Нәтижесінде облысымыз қарқынды даму үстінде. Аймақтың әлеуметтік-экономикалық дамуында оң тенденция қалыптасты. Өңіріміз барлық негізгі макроэкономикалық көрсеткіштер бойынша республикада 1-орында тұр. Биылғы жылдың 11 ай қорытындысымен өнеркәсіп өндірісі – 0,8, өңдеу өнеркәсібі – 20,6, ауыл шаруашылығы – 3, тұрғын үй – 15,3, көлік – 3,3, сауда – 6,5, құрылыс жұмыстарының көлемі 57,5 пайызға артты. Негізгі капиталға 559 млрд теңге инвестиция тартылып, өсім 20,6 пайызды құрады. Айта кетсек, біз аймаққа шетел инвестициясын, озық технологияларды тарту жұмыстарын белсенді жүргіздеміз. Өткен аптада ғана өңірдің бизнес өкілдерімен бірлесіп, Италия, Испания елдеріне барып келдік, – деді облыс әкімі.

Алдағы уақытта инвестиция тарту одан әрі жалғасады. Биыл 189 мың 449 гектарға ауыл шаруашылығы дақылдары егіліп, егін мерзімінде толық жиналды. Оның ішінде күріш 85 мыңнан астам гектарды құрайды. Сондай-ақ халықтың ал-ауқатын көтеру, өмір сүру сапасын жақсарту үшін баспанаман қамту, сапалы инфрақұрылым жүргізу бағытында нақты шаралар қабылданды. Елді мекендерді сапалы ауысумен қамту бағытында ілкімді істер бар. 2022 жылдан бастап облыста жалпы құны 16 млрд 800 млн теңгеге құрайтын 55 жоба жүзеге асты. Нәтижесінде халықты орталықтандырылған ауысумен қамтамасыз ету деңгейі 98,6 пайызға жетті. Биыл өңірде жаңа 13 жобаға 5 млрд 300 млн теңге бөлінді. 2025 жылы жергілікті тұрғындар ауысумен толықтай қамтамасыз етіледі. Ал тұрғындарды электр энергиясымен қамту бағытында құны 11 млрд теңгеге 38 жоба жүзеге асырылуда. Нәтижесінде электр желілерінің тозу деңгейі 62 пайызға төмендеді.

– Мемлекет басшысының тікелей қолдауымен Қызылорда қаласында 215 млрд теңгеге қуаттылығы 240 мегаватты құрайтын жаңа жылу электр орталығының құрылысы салынады. Осы мақсатта инвестор – «Aksa Energy» түрік компаниясы жылу орталығының құрылысына 127 млрд теңгеден астам инвестиция салды. Айта кетсек, аталған жылу электр станциясы – тәуелсіздік жылдарындағы инвестор қаржысына салынған ең ауқымды, теңдессіз жобаның бірі. Аймақ үшін айрықша маңызды ие нысанды келер жылы ел игілігіне табыстайтын боламыз. Мемлекет басшысының тапсырмасына сәйкес өндірістік өңірлерде электр энергиясының тапшылығын болдырмау мақсатында Қызылорда облысында құны 800 млрд теңгеге құрайтын қуаттылығы 1100 МВт-тық жаңа бу-газ қондырғыларының құрылысы жоспарлануда. Ол үшін «Самұрық Энерго» компаниясы тарапынан Қатар елінің инвесторымен келіссөз жүргізіп, техникалық-экономикалық негіздеме әзірленуде. Жаңа бу-газ қондырғылары Қызылорда қаласының Ұлытау облысына шығарыс аумақта салынады. Бұл бағыттағы әкімдік тарапынан 280 гектар жер аумағы бөлінді. Станцияны 2029 жылы толығымен іске қосу жоспарлануда. Президент қолдауымен бүгінде Қызылорда қаласы ыстық сумен қамтамасыз етілуде. Жоба құны – 26 млрд 200 млн теңге. Келесі жылы беру маусымында қала толық ыстық сумен қамтылады. Ал өңір тұрғындарының газбен қамту көрсеткіші 75 пайызды құрайды.

Биыл газдандыру жобаларына 30 млрд теңгеден астам қаржы бөлініп, 330 шақырым газ желілері салынады. Осы жобалардың арқасында биыл өңірімізді 78 пайызға газбен қамтитымыз. Алдағы жылы 10-нан астам елді мекен «көгілдір отынға» қосылады, – деді Нұрлыбек Машбекұлы.

Облыстағы жақсы жағдайдағы жолдың үлесі кейінгі екі жылда 87,5 пайызға жетті. Аймақтағы жол құрылысын дамытуға биыл 44 млрд 703 млн теңге бөлініп, 300 шақырымнан аса жол жөндеуден өтуде. Нәтижесінде жақсы жағдайдағы жолдардың үлесі 92 пайыздан асады. Екі жыл бұрын басталған «Қызылорда-Жезқазған» автомобиль жолының жолының биыл 140 шақырымына қайта жаңғырту аяқталды. Жоба 2025 жылы толық пайдалануға беріледі. Мемлекет басшысының тапсырмасына сәйкес Қызылорда қаласынан Ақтөбе облысының шекарасына дейінгі 566 шақырым жолды бірінші санатқа ауыстыру мәселесі бойынша «ҚазАвтоЖол» акционерлік қоғамы тарапынан жоба-металдық құжаттамасы әзірленуде. Облыс орталығындағы бірқатар негізгі көшелер төртжолға бөлініп, бөлініп кенейтілді. Жанқожа батыр көшесі арқылы өтетін теміржол асты автожолы салынады. Оған қоса Арал қаласы мен Жаңақорған кентінде теміржол үстінен өтетін аспалы көпір құрылысы жүргізілуде. Мұндай көпір құрылысы алдағы уақытта Қармақшы ауданы Жосалы кентінде басталады. Өткен айда Қазақстан Республикасының Премьер-министрі Олжас Бектеновтің қатысуымен Қорқыт ата уезжайының жаңа терминалы салтанатты түрде ашылды. «Қазақстан Темір Жолы» компаниясы мен жергілікті кәсіпкерлердің демеушілігімен теміржол вокзалы күрделі жөндеуден өтті. Қызылорда қаласында заманауи үлгідегі автовокзал ғимараты салынды. Облыс орталығына 300 жаңа автобус алынып, қоғамдық көлік мәселесі толығымен шешілді. Сондай-ақ 1 млрд теңгеге 100 экотакси алынды.

3-бет

БӘРЕКЕЛДІ!

ХАЛЫҚ ПЕЙІЛІМЕН ҚАНАТТАНҒАН АҚЫН



Ел тәуелсіздігі күні қарсаңында «AMANAT» партиясының қолдауымен, ҚР Мәдениет және ақпарат министрлігі ұйымдастырумен өткен «Алтын домбыра» республикалық ақындар айтысы жылдың үздік ақынын анықтады.

4-бет

БАСПАСӨЗ - 2025

ҚҰРМЕТТІ ОҚЫРМАН

2025 ЖЫЛДЫҢ БІРІНШІ ЖАРТЫЖЫЛДЫҒЫНА «СЫР МЕДИА» ЖШС-на ҚАРАСТЫ ГАЗЕТТЕРГЕ ЖАЗЫЛУ ЖҮРГІЗІЛУДЕ

«Сыр бойы» газетіне **6 айға жазылу бағасы:**

- жекелер үшін – 4000 теңге,
- мекемелер үшін – 5000 теңге

